

Ի սմին ժամանակի ծագեցաւ վէճ և խռովութիւն 'ի մէջ Յունաց և Լատինաց վասն գերեզմանի Ս. Աստուածածնի՝ 'ի ձորն Գեթսեմանի, զի Յոյնք երկնէին հանապազ 'ի միտս իւրեանց կերպիւ իւրք արտաքսել յեկեղեցւոյ անտի զԼատինս՝ և 'ի զայրանալ կռուոյն՝ Փոխանորդք եւ Թարգմանք երկուց ազգաց դիմեցին առ դատաւոր քաղաքին, և նա արար ատեան մեծ յերեւելեաց քաղաքին, ուր եկին և դասք զիտնականացն այլազգեաց։ Եւ 'ի լինել բանից՝ ամբաստան եղեն Յոյնք զԼատինաց եւ ասեն՝ 'ի դարուց և 'ի ժամանակաց անտի գերեզմանն Ս. Աստուածածնի սեփհական է Յունաց, և նոքա միայն տիրեալ են այնմ առանց ուրուք ընդդիմանալոյ, այժմ՝ Լատինք յարուցեալ հակառակին ընդ մեզ վասն այնր, ուստի խնդրբարձր բառնալ զընդդիմութիւնս նոցա։ Յակնարկել դատաւորին՝ ետ պատասխանի Փոխանորդն Լատինաց և ասէ. եկեղեցին այն որոշեալ և սահմանեալ է երկից ազգաց՝ Հայոց, Յունաց և Լատինաց, և իւրաքանչիւր ազգ ունի անդ առանձին տեղիս, և մէն մի սպասաւորս, և որոշեալ ժամանակս կատարելոյ զպաշտամունս, մաքրելոյ և լուցանելոյ զխնթեզս, և սեփհականեալ է այն երկից ազգաց, և ոչ միոյ ազգի. և Փոխանորդն Յունաց Անանիա ոչ անսայր բանից նորա։ Հարկ եղեւ դատաւորին հարցանել ցժողովեալ այլազգիս, և նոքա զնոյն ետուն պատասխանի՝ թէ եկեղեցին սեփհական է երկից ազգաց։ Դատաւորն ազգարար Փոխանորդին Յունաց լուել յամբաստանութենէ և չկալ հակառակ նախնի սովորութեան. կոչեաց նաեւ ըզԹարգմանն Հայոց և պատուիրեաց նմա չկռուիլ ընդ միմեանս, այլ կալ մնալ անդ որպէս էինն յառաջագոյն՝ յիւրաքանչիւր սահմանեալ տեղիս, եւ սիրով կատարել զպաշտամունս իւրեանց, և այսպիսի եղանակաւ արձակեաց զատեանն. 1171 (1754)։

Հանգեաւ 'ի կոստանդինուպօլիս Ակնցի մահտեսի Սեդրոս Սմիրայն, մեծ բարերարն Աթուոյն երուսաղէմի, յերեկոյի յաւուր տօնի Իսահակայ Պարթեւի Հօյրապետին, (1754. 'ի 5 Փետրվար ամսոյ)։

Իսկ Լատինք թէպէտեւ լուծեամբ մեկնեցան յատենէ դատաւորին, այլ ոչ կամեցան իսպառ հանդարտիլ.